

摘藻堂四庫全書薈要

集部

欽定四庫全書叢要

集部

御選古文淵鑒卷六十一

欽定四庫全書薈要

御選古文淵鑒卷六十一目錄

宋

朱熹

詩集傳序

呂氏家塾讀詩記後序

大學章句序

中庸章句序



漳州教授廳壁記

轉運司蠲免鹽錢記

名堂室記

衢州江山縣學記

靜江府學記

江陵府曲江樓記

建寧府崇安縣學田記

鄂州社稷壇記

婺州金華縣社倉記

衡州石鼓書院記

福州州學經史閣記

學校貢舉私議

觀心說

御選古文淵鑒卷六十一目錄

欽定四庫全書薈要卷一萬七千二百十四

集部

御選古文淵鑒卷六十一

內閣學士兼禮部侍郎教習庶吉士

臣徐乾學等奉

旨編注

宋

朱熹

詩集傳序

或有問於余曰詩何為而作也余應之曰人生而靜天

縕藉深遠玩味此
序可得讀詩之法

亦可收學詩之益

草廬吳澂曰論
經注朱子詩集
傳之外俱不能
無遺憾故當為
竅

之性也感於物而動性之欲也夫既有欲矣則不能無
思既有思矣則不能無言既有言矣則言之所不能盡
而發於咨嗟詠歎之餘者必有自然之音響節族而不
能已焉此詩之所以作也曰然則其所以教者何也曰
詩者人心之感物而形於言之餘也心之所感有邪正
故言之所形有是非惟聖人在上則其所感者無不正
而其言皆足以為教其或感之之雜而所發不能無可
擇者則上之人必思所以自反而因有以勸懲之是亦

臣熙曰論聖人
立教之旨俱從
身心義理中精

所以為教也昔周盛時上自郊廟朝廷而下達於鄉黨
閭巷其言粹然無不出於正者聖人固已協之聲律而
用之鄉人用之邦國以化於下至於列國之詩則天子
巡狩亦必陳而觀之以行黜陟之典降自昭穆而後寢
以陵夷至於東遷而遂廢不講矣孔子生於其時既不
得位無以行帝王勸懲黜陟之政於是特舉其籍而討
論之去其重複正其紛亂而其善之不足以為法惡之
不足以為戒者則亦刊而去之以從簡約示久遠使夫

思涵泳而出俾
學者有所持循
造道之言堪垂
不朽

學者即是而有以考其得失善者師之而惡者改焉是
以其政雖不足行於一時而其教實被於萬世是則詩
之所以為教者然也曰然則國風雅頌之體其不同若
是何也曰吾聞之凡詩之所謂風者多出於里巷歌謠
之作所謂男女相與詠歌各言其情者也惟周南召南
親被文王之化以成德而人皆有以得其性情之正故
其發於言者樂而不過於淫哀而不及於傷是以二篇
獨為風詩之正經自邶而下則其國之治亂不同人之

賢否亦異其所感而發者有邪正是非之不齊而所謂
先王之風者於此焉變矣若夫雅頌之篇則皆成周之
世朝廷郊廟樂歌之詞其語和而莊其義寬而密其作
者往往聖人之徒固所以為萬世法程而不可易者也
至於雅之變者亦皆一時賢人君子閔時病俗之所為
而聖人取之其忠厚惻怛之心陳善閉邪之意猶非後
世能言之士所能及之此詩之為經所以人事決於下
天道備於上而無一理之不具也曰然則其學之也當

奈何曰本之二南以求其端參之列國以盡其變正之
於雅以大其規和之於頌以要其止此學詩之大旨也
於是乎章句以綱之訓詁以紀之諷詠以昌之涵濡以
體之察之情性隱微之間審之言行樞機之始則修身
及家平均天下之道其亦不待他求而得之於此矣問
者唯唯而退余時方輯詩傳因悉次是語以冠其篇云

呂氏家塾讀詩記後序

陳氏曰呂氏讀詩記三十二卷博采諸家存其

名氏先列訓詁後陳文義意有所發明則別紀之然自公劉以後條例未竟學者惜之

誦後一段文須識
得古人讀書用心
矜慎不苟如此

詩自齊魯韓氏之說不得傳

韓嬰孝文時博士作詩內
外傳其語頗與齊魯間殊

隋止存

而天下之學者盡宗毛氏毛氏之學傳者亦衆

外傳

陳氏曰有大毛公小毛公

後漢儒林傳以為毛萇

而王述之類

王肅述毛
而非鄭

今皆

不存則推行其說者又獨鄭氏之箋而已

鄭玄作詩箋
正義云鄭于

諸經皆言注獨詩言箋鄭

遵毛學表明毛言故稱箋

唐初諸儒為作疏義因訛踵

陋百千萬言而不能有以出乎二氏之區域至於本朝

劉侍讀歐陽公王丞相蘇黃門河南程氏

皇祐中莆田
劉宇有詩折

衷二十卷歐陽修有詩本義十六卷熙寧中王
安石有新經詩義三十卷蘇轍詩解二十卷

橫渠張

氏始用己意有所發明雖其淺深得失有不能同然自是之後三百五篇之微詞奧義乃可得而尋繹蓋不待講於齊魯韓氏之傳而學者已知詩之不專於毛鄭矣及其既久求者益多同異紛紜爭立門戶無復推讓祖述之意則學者無所適從而或反以為病今觀呂氏家塾之書兼綜衆說巨細不遺挈領提綱首尾該貫既足以息夫同異之爭而其述作之體則雖融會通徹渾然若出於一家之言而一字之訓一字之義亦未嘗不謹

臣廷敬曰紫陽
立論專有取乎
不敢輕議前人
自是偉人卓見

其說之所自及其斷以己意雖或超然出於前人意慮
之表而謙讓退託未嘗敢有輕議前入之心也嗚呼如
伯恭父者真可謂有意乎溫柔敦厚之教矣學者以是
讀之則於可羣可怨之旨其庶幾乎雖然此書所謂朱
氏者實熹少時淺陋之說而伯恭父誤有取焉其後歷
時既久自知其說有所未安如雅鄭邪正之云者或不
免有所更定則伯恭父反不能不置疑於其間熹竊惑
之方將相與反復其說以求真是之歸而伯恭父已下

世矣嗚呼伯恭父已矣若熹之衰頽汨沒其勢又安能復有所進以獨決此論之是非乎伯恭父之弟子約既以是書授其兄之友丘侯宗卿而宗卿將為板本以傳永久且以書來屬熹序之熹不得辭也乃略為之說因并附其所疑者以與四方同志之士共之而又以識予之悲恨云爾淳熙壬寅九月己卯新安朱熹序

大學章句序

大學之書古之大學所以教人之法也蓋自天降生民

立言必綜其要能
令千載之下曠若

端調葛藟曰意
格純古風音流
暢此雖先生加
工著意之文然
正自思勉皆忘
渾然而得文章

則既莫不與之以仁義禮智之性矣然其氣質之稟或不能齊是以不能皆有以知其性之所有而全之也一有聰明睿知能盡其性者出於其間則天必命之以為億兆之君師使之治而教之以復其性此伏羲神農黃帝堯舜所以繼天立極而司徒之職典樂之官所繇設也三代之隆其法浸備然後王宮國都以及閭巷莫不有學人生八歲則自王公以下至於庶人之子弟皆入小學而教之以灑掃應對進退之節禮樂射御書數之

有決不能募效
者此篇是矣

文及其十有五年則自天子之元子衆子以至公卿大夫元士之適子與凡民之俊秀皆入大學而教之以窮理正心修己治人之道此又學校之教大小之節所以分也夫以學校之說其廣如此教之之術其次第節目之詳又如此而其所以為教則又皆本之人君躬行心得之餘不待求之民生日用彝倫之外是以當世之人無不學其學焉者無不有以知其性分之所固有職分之所當為而各俛焉以盡其力此古昔盛時所以治隆

臣英曰大學一
書為六經門戶
由之者可以升
堂入奧斯文直
探其底蘊矣

於上俗美於下而非後世之所能及也及周之衰賢聖
之君不作學校之政不修教化陵夷風俗頽敗時則有
若孔子之聖而不得君師之位以行其政教於是獨取
先王之法誦而傳之以詔後世若曲禮少儀內則弟子
職諸篇固小學之支流餘裔而此篇者則因小學之成
功以著大學之明法外有以極其規模之大而內有以
盡其節目之詳者也三千之徒蓋莫不聞其說而曾氏
之傳獨得其宗於是作為傳義以發其意及孟子沒而

其傳泯焉則其書雖存而知者鮮矣自是以來俗儒記誦詞章之習其功倍於小學而無用異端虛無寂滅之教其高過於大學而無實其他權謀術數一切以就功名之說與夫百家衆技之流所以惑世誣民充塞仁義者又紛然雜出乎其間使其君子不幸而不得聞大道之要其小人不幸而不得蒙至治之澤晦盲否塞反覆沉痼以及五季之衰而壞亂極矣天運循環無往不復宋德隆盛治教休明於是河南程氏兩夫子出而有以

臣士奇曰後人
譏朱子顛倒大
學古文及補格
物篇以為僭且
妄然而標舉微
言開示來學其
功偉矣

接乎孟子之傳實始尊信此篇而表章之既又為之次
其簡編發其歸趣然後古者大學教人之法聖經賢傳
之指粲然復明於世雖以熹之不敏亦幸私淑而與有
聞焉顧其為書猶頗放失是以忘其固陋采而輯之間
亦竊附己意補其闕略以俟後之君子極知僭踰無所
逃罪然於國家化民成俗之意學者修己治人之方則
未必無小補云

中庸章句序

此書竄朱子所盡
心一序溯原竟委
大指已自囊括

素庵商輅曰理
宗對朱在言人
主學問之要先
卻中庸序言之
甚詳朕讀之不
釋手恨不與之
同時也

中庸何為而作也子思子憂道學之失其傳而作也蓋
自上古聖神繼天立極而道統之傳有自來矣其見於
經則允執厥中者堯之所以授舜也人心惟危道心惟
微惟精惟一允執厥中者舜之所以授禹也堯之一言
至矣盡矣而舜復益之以三言者則所以明夫堯之一
言必如是而後可庶幾也蓋嘗論之心之虛靈知覺一
而已矣而以為有人心道心之異者則以其或生於形
氣之私或原於性命之正而所以為知覺者不同是以

端調葛萬曰此
與大學序皆參
伍經傳之言不
可作文字讀也

或危殆而不安或微妙而難見耳然人莫不有是形故
雖上智不能無人心亦莫不有是性故雖下愚不能無
道心二者雜於方寸之間而不知所以治之則危者愈
危微者愈微而天理之公卒無以勝夫人欲之私矣精
則察夫二者之間而不雜也一則守其本心之正而不
離也從事於斯無少間斷必使道心常為一身之主而
人心每聽命焉則危者安微者著而動靜云為自無過
不及之差矣夫堯舜禹天下之大聖也以天下相傳天

下之大事也以天下之大聖行天下之大事而其授受之際丁寧告戒不過如此則天下之理豈有以加於此哉自是以來聖聖相承若成湯文武之為君臯陶伊傅周召之為臣既皆以此而接夫道統之傳若吾夫子則雖不得其位而所以繼往聖開來學其功反有賢於堯舜者然當是時見而知之者惟顏氏曾氏之傳得其宗及曾氏之再傳而復得夫子之孫子思則去聖遠而異端起矣子思懼夫愈久而愈失其真也於是推本堯舜

臣杜誦曰推原
印證字字精確
已得全書之要
領昔人評文謂
如日月經天江
河行地斯篇洵
足當之

以來相傳之意質以平日所聞父師之言更互演繹作
為此書以詔後之學者蓋其憂之也深故其言之也切
其慮之也遠故其說之也詳其曰天命率性則道心之
謂也其曰擇善固執則精一之謂也其曰君子時中
則執中之謂也世之相後千有餘年而其言之不異如
合符節歷選前聖之書所以提挈綱維開示蘊奧未有
若是其明且盡者也自是而又再傳以得孟氏為能推
明是書以承先聖之統及其沒而遂失其傳焉則吾道

之所寄不越乎言語文字之間而異端之說日新月盛

以至老佛之徒出則彌近理而大亂真矣然而尚幸此

書之不泯故程夫子兄弟者出得有所考以續夫千載

不傳之緒得有所据以斥夫二家似是之非蓋子思之

功於是為大而微程夫子則亦莫能因其語而得其心

也惜乎其所以為說者不傳而凡石氏之所輯錄

石子重有

集僅出於其門人之所記是以大義雖明而微言未析

至其門人所自為說則雖頗詳盡而多所發明然倍其

師說而淫於老佛者亦有之矣熹自蚤歲即嘗受讀而竊疑之沉潛反復蓋亦有年一旦恍然似有以得其要領者然後乃敢會衆說而折其中既為定著章句一篇以竢後之君子而一二同志復取石氏書刪其繁亂名以輯畧且記所嘗論辨取舍之意別為或問以附其後然後此書之旨支分節解脈絡貫通詳略相因巨細畢舉而凡諸說之同異得失亦得以曲暢旁通而各極其趣雖於道統之傳不敢妄議然初學之士或有取焉則

亦庶乎行遠升高之一助云爾

漳州教授廳壁記

敷重教職足以警
勵師儒

教授之為職其可謂難矣惟自任重而不苟者知之其以為易而無難者則苟道也何也曰教授者以天子之命教其邦人凡邦之士廩食縣官而充弟子員者多至五六百餘少不下百十數皆惟教授者是師其必有以率厲化服之使躬問學蹈繩槩出入不悖所聞然後為稱此非反之身而何以哉是可謂難矣乎不特此爾

端謫萬壽曰學
校人才之本也

豈可為授養
貧之地

又當嚴先聖先師之典祀領護廟學而守其圖書服器
之藏其體至重下至金穀出納之纖悉亦皆獨任之嗚
呼是亦難矣然凡仕於今者無大小莫不有所臨制總
攝其任無劇易必皆具文書使可覆視是以雖甚弛者
亦有所難而不敢肆獨教授官雖有統若其任之本諸
身者則非簿書期會之所能察至其具於有司而可考
者上之人又以其儒官優容之雖有不合不問以是為
便故今之仕者反利焉而喜為之而孰知所以充其任

者如彼其難哉故曰惟自任重而不苟者知之其以為易而無難者則苟道也予嘗以事至漳其教授陳君與予有故館予於其寓直之舍因得盡觀陳君所施於學者予謂若陳君則可謂知其難矣時陳君方將刻前人名氏於壁屬予記予辭謝不能者再三既不得命乃退而書其所聞見如此以為記且以勵後之君子云爾紹興二十六年七月甲子新安朱熹記

轉運司蠲免鹽錢記

純
勤宣上德辭令溫

皇帝陛下臨御之五年朝廷清明衆職修理乃眷南顧
閔茲遠黎某月詔以太常少卿臣某為福建轉運副使
而付以鹽筭使訪其利病以聞臣某既承詔奔走即事
則與判官臣某爰暨屬寮博詢審訂具以條奏越明年
春遂有旨免本道屬州縣逋負鹽課之緡錢九十七萬
又詔歲入鈔鹽緡錢二十二萬者其罷之而使漕司歲
以緡錢七萬補經費之闕臣某承命懽喜北向頓首言
福建鹽法之弊久矣臣等問諸故府竊見祖宗盛時本

道鹽息歲入緡錢十萬而三分之以其一予漕司佐州縣用度且市貢金其二為鈔法則商人歲輸京師者為錢六萬六千有奇而已其後鈔法中弛浮議交煽因盡以委漕司而增其額於是綱運猥并鹽洩不時而民始受弊中間蓋嘗減損然什不能去其三又他用之取具於鹽者亦且數倍舊制顧以歲出有常因不敢議至州縣或不能供又不得以時蠲除新故相仍轉相督趣重為民病歷年滋多今乃幸遇陛下仁聖儉慈不遺遐遠

臣乾學曰立言
有體而詞理典
則亦漢京之遺

既幸聽愚臣言而又推之以及所未言者蓋德音再
下而鈔額復祖宗之舊逋負捐累歲之積使州縣之吏
無所旁緣以漁獵其民民得休息恩澤隆厚不可勝量
臣等駑鈍不材奉使無狀乃幸得奉承聖詔以布乎下
誠懼誠喜敢不悉力究宣謹察所部無或不虔以廢明
命猶懼不稱無以昭示永久則取尚書所下詔旨刻石
臺門以諭來者而竊敬識其下方如此又惟陛下躬德
神聖天運日新其約已厚民之心終日乾乾有進無已

竊計經制大定上下與足蓋可以日月期矣然則臣等
前日所不敢議者且將復有望焉敢昧萬死并記其說
而俯伏以俟乾道四年三月

名堂室記

紫陽山在徽州里嘗有隱君子居焉今其上有老子祠

先君子故家婺源

朱子高祖振曾祖絢祖森父松世居婺源縣萬年鄉松巖里松號韋齋

少而學于郡學因往遊而樂之既來閩中

韋齋因仕入閩寓崇安縣

後徙居建陽之考亭

思之獨不置故嘗以紫陽書堂者刻其印章

記堂室耳而必溯
父師之教叙為學
之本乃純乎義理
之文

臣廷諤曰叙次
歷落法則懸嚴

蓋其意未嘗一日而忘歸也既而卒不能歸將沒始命

其孤熹來居潭溪之上

潭溪在崇安其上有屏山見劉屏山墓表

今三十年

矣貧病苟活既不能反其故鄉又不能大其闔閭以奉

先祀然不敢忘先君子之志敬以印章所刻榜其所居

之廳事庶幾所謂樂樂其所自生禮不忘其本者後世

猶有考焉先君子又每自病其下急害道尉尤溪時

韋

政和八年同上舍出身授建州政和縣尉丁外艱服除
改南劍州尤溪縣尉監泉州石井鎮建炎四年生子熹

于尤溪

嘗取古人佩韋之義榜其廳事東偏之室曰韋

官舍

齋以燕處而讀書焉延平羅公先生仲素實記之而沙陽曾君令德又為之銘官署中更盜火無復遺跡近歲燹之交石君子重知縣事始復榜焉且刻記銘於石以示後來燹惟先君子之志不可以不傳于家而燹之躁迫滋甚尤不可以忘先人之戒則又取而揭之于寢以自鞭策且示子孫蓋廳事寢堂家之正處今皆以先君子之命命之嗚呼燹其敢不夙興夜寢陟降在茲無或不虔以忝先訓晦堂者燕居之所也燹生十有四年而

臣士奇曰質實
無華達意而止
其中屏山命字
祝辭寢為數腴
有味

先君子棄諸孤遺命來學于籍溪胡公先生草堂屏山

二劉先生之門

籍溪先生胡原仲憲也草堂先生劉致中勉之也屏山先生劉彥冲子輩也三

公皆崇安人朱子奉遺命卜居以此憲以薦舉歷官秘書省正字言金必敗盟疏上即乞身奉祠勉之居白水亦被薦值秦檜柄國不起子輩忠顯公幹之次子以父任歷官通判興化軍乞歸先生飲食教

誨之皆無不至而屏山獨嘗字而祝之曰

朱子年弱冠屏山字之曰

元晦木晦于根春容睦敷人晦于身神明內腴後事延平

李公先生

先生名侗字愿中劔浦人學于豫章羅從彥得河洛之傳

先生所以教熹

者蓋不異乎三先生之說而其所謂晦者則猶屏山之

志也熹惟不能踐脩服行是以顛沛今乃以是名堂

朱後

子又嘗作精舍于雲谷蘆山之巔曰晦菴見雲谷記

以示不敢忘諸先生之教且

志吾悔而自今以始請得復從事于斯焉堂旁兩夾室

暇日默坐讀書其間名其左曰敬齋右曰義齋蓋熹嘗

讀易而得其兩言曰敬以直內義以方外以為為學之

要無以易此而未知其所以用力之方也及讀中庸見

其所論修道之教而必以戒慎恐懼為始然後得夫所

以持敬之本又讀大學見其所論明德之序而必以格

物致知為先然後得夫所以明義之端既而觀夫二者之功一動一靜交相為用又有合乎周子太極之論然後又知天下之理幽明鉅細遠近淺深無不貫乎一者樂而玩之固足以終吾身而不厭又何暇乎外慕哉因以敬義云者名吾二齋且歷叙所以名夫堂室之意以見熹之所以受命于父師與其區區講學之所逮聞者如此書之屋壁出入觀省以自詔云

衢州江山縣學記

前幅褒美後義更
進一層

建安熊君可量為衢之江山尉始至以故事見于先聖
先師之廟視其屋皆壞漏弗支而禮殿為尤甚因問其
學校之政則廢墜不修又已數十年矣于是俯仰嘆息
退而以告于其長湯君悅請得任其事而一新焉湯君以
為然予錢五萬曰以是經其始熊君則徧以語于邑人
之宦學者久之乃得錢五十萬遂以今年正月癸丑始
事首作大成之殿踰月訖工棟宇崇麗貌象顯嚴位序
丹青應圖合禮熊君既以復于其長合羣吏率諸生而

臣熙曰作尉能以興學為務其賢可知記文既敘襄事之勤因為推明立教大旨君子樂與人為善固當如此

釋菜焉則又振其餘財以完厥事列置門棘扁以奎文
生師之舍亦葺其舊于是熊君乃復揖諸生而進之使
程其業以相次第官居廩食絃誦以時邑人有識者皆
嗟嘆之以為尉本以逐捕盜賊為官苟食焉而不曠其
事則亦足矣廟學興廢豈其課之所急哉而熊君乃能
及是是其志與材為何如耶熹時適以事過邑聞其言
則以語熊君曰吾子之為是役則善矣而子之所以為
教則吾所不得而聞也抑先聖之言有之古之學者為

已今之學者為人二者之分實人材風俗盛衰厚薄之所繫而為教者不可以不審焉者也顧予不足以議此子之邑故有儒先曰徐公誠叟者受業程氏之門入學興行高講道于家弟子自遠而至者常以百數其去今未遠也吾意大山長谷之中隘巷窮閭之下必有獨得其傳而深藏不市者為我訪而問焉則必有以審乎此而知所以為教之方矣熊君謝曰走則敬聞命矣然此意也不可便是邑之人無傳焉願卒請文以識茲役而

切
化
要不浮有資數

并列之燾不得而辭也因悉記其事且書其說如此俾
刻焉既以勵熊君且以視其徒又以告凡後之為師弟
子而食于此者使知所以自擇云爾淳熙三年秋七月
丙辰新安朱熹記

靜江府學記

古者聖王設為學校以教其民由家及國大小有序使
其民無不入乎其中而受學焉而其所以教之之具則
皆因其天賦之秉彝而為之品節以開導而勸勉之使

臣廷敬曰和雅之音如聞韶濩

其明諸心修諸身行于父子兄弟夫婦朋友之間而推之以達乎君臣上下人民事物之際必無不盡其分焉者及其學者既成則又興其賢且能者寘之列位是以當是之時理義休明風俗醇厚而公卿大夫列士之選無不得其人焉此先王學校之官所以為政事之本道德之歸而不可以一日廢焉者也至於後世學校之設雖或不異乎先王之時然其師之所以教弟子之所以學則皆忘本逐末以懷利去義而無復先王之意以故

學校之名雖在而其實不舉其效至於風俗日敝人材
日衰雖以漢唐之盛隆而無以彷彿乎三代之叔季然
猶莫有察其所以然者顧遂以學校為虛文而無所與
于道德政理之實于是為士者求道于老子釋氏之門
為吏者責治乎簿書期會之最蓋學校之僅存而不至
于遂廢者亦無幾耳乃者聖上慨然憫其如此親屈鑾
輅臨幸學宮發詔諸生勵之以為君子之儒而無慕乎
人爵者德意既甚美矣而靜江守臣廣漢張侯棧適以

斯時一新其府之學亦既畢事則命其屬具圖與書使人于武夷山間謁熹文以記之顧非其人欲謝不敢而惟侯之意不可以虛辱乃按圖考書以訂其事則皆曰靜江之學自唐觀察使隴西李侯昌巖始立于牙城之西北其後又徙于東南歷時既久士以卑痺堙鬱為病有宋乾道三年知府事延平張侯維乃撤而遷之始安故郡之墟蓋其地自郡廢而為浮屠之室者三始議易置而部使者有感異教持不可者既乃僅得其一遂因

故材而亟徙焉以故規模褊陋復易摧圯至于今侯然
後乃得并斥左右佛舍置他所度材鳩匠合其地而一
新焉殿閣崇邃堂序廣深師生之舍環列廡外耽耽翼
翼不侈不陋于其為諸侯之學所以布宣天子之命教
者甚實宜稱熹于是喟然起而嘆曰夫遠非鬼崇本教
以侈前人之功侯之為是則既可書矣抑熹聞之侯之
所以教于是者莫非明義反本以遵先王敷學之遺意
而欲使其學者皆知所以不慕人爵為君子儒如明詔

之所謂者則其可書又豈徒以一時興作之盛為功哉
故特具論其指意所出者為詳而并書其本末如此以
告來者侯字敬夫丞相魏忠獻公之嗣子其學近推程
氏以達于孔孟治已教人一以居敬為主明理為先嘗
以左司副郎侍講禁中既而出臨此邦以幸遠民其論
說政教皆有明法然則士之學于是者亦可謂得師矣
其亦無疑于侯之所以教者而相與盡其心哉淳熙四
年冬十有一月己未日南至新安朱熹記

俯仰流連極一唱
三嘆之致

江陵府曲江樓記

廣漢張侯敬夫守荊州之明年歲豐人和幕府無事顧
嘗病其學門之外即阻高墉無以宣暢鬱堙導迎清曠
乃直其南鑿門通道以臨白河而取旁近廢門舊額以
榜之且為樓觀以表其上敬夫一日與客往而登焉則
大江重湖縈紆渺瀰一目千里而西陵諸山空濛晦靄
又皆隱見出沒于雲空烟水之外敬夫于是顧而嘆曰
此亦曲江公所謂江陵郡城南樓者耶

舊有南樓張九齡以爭牛仙客

事貶荊州刺史嘗
登此樓飲酒賦詩

昔公去相而守于此其平居暇日登

臨賦詠蓋皆脩然有出塵之想至其傷時感事寤嘆殷

憂則其心未嘗一日不在于朝廷而汲汲然惟恐其道

之終不行也於戲嗟夫乃書其扁曰曲江之樓而以書

來屬予記之時予方守南康疾病侵陵求去不獲讀敬

夫之書而知茲樓之勝思得一與敬夫相從遊于其上

瞻眺江山覽觀形制按楚漢以來成敗興亡之效而考

其所以然者然後舉酒相屬以詠張公之詩而想見其

臣乾學曰讀此文覺江山臨觀
俯仰憑弔千載如畫不知文生
情情生文也

人于千載之上庶有以慰夙心者顧乃千里相望邈不可得則又未嘗不矯首西悲而喟然發嘆也抑嘗思之張公遠矣其一時之事雖唐之治亂所以分者顧亦何預乎後之人而讀其書者未嘗不為之掩卷太息也是則是非邪正之實乃天理之固然而人心之不可已者是以雖曠百世而相感使人憂悲愉懌勃然于胸中恍若親見其人而真聞其語者是豈有古今彼此之間而亦孰使之然哉詩曰天生烝民有物有則民之秉彝好

是懿德登此樓者于此亦可以反諸身而自得之矣予
于此樓既未得往寓目焉無以寫其山川風景朝暮四
時之變如范公之書岳陽也范仲淹有岳陽樓記獨次第敬夫本
語而附以予之所感者如此後有君子得以覽觀焉淳
熙己亥十有一月己巳日南至新安朱熹記

建寧府崇安縣學田記

崇安縣故有學而無田適大夫之賢而有意于教事者
乃能縮取他費之贏以供養士之費其或有故而不能

兼敬養以立言用
意特為淵厚

端調葛翁曰學
宮碑記文字最
難如此不板壳
者

繼則諸生無所仰食而往往散去以是殿堂傾圮齋館
蕪廢率常更十數年乃一聞弦誦之聲然又不一二歲
輒罷去淳熙七年今知縣事趙侯始至而有志焉既葺
其宮廬之廢壞而一新之則又圖所以為飲食久遠之
計者而未知所出也一日視境內浮屠之籍其絕不繼
者凡五曰中山曰白雲曰鳳林曰聖歷曰既歷而其田
不耕者以畝計凡若干乃喟然而嘆曰吾知所以處之
矣于是悉取而歸之于學歲入租米二百二十斛而士

之肄業焉者得以優游卒歲而無乏絕之慮既而學之羣士十餘人相與走予所居之山間請文以記其事曰不則懼夫後之君子莫知其所始而或至于廢壞也予惟三代盛時自家以達于天子諸侯之國莫不有學而自天子之元子以至于士庶人之子莫不入焉則其士之廩于學官者宜數十倍于今日而考之禮典未有言其費出之所自者豈當時為士者其家各以受田而其入學也有時故得以自食其食而不仰給于縣官也歟

臣英曰經畫閭
詳得古人既富
方穀之義

至漢元成間乃謂孔子布衣養徒三千而增學官弟子
至不復限以負數其後遂以用度不足無以給之而至
于罷夫謂三千人者聚而食于孔子之家則已妄矣然
養士之需至以天下之力奉之而不足則亦豈可不謂
難哉蓋自周衰田不井授人無常產而為士者厄于貧
反不得與為農工商者齒上之人乃欲聚而教之則彼
又安能終歲裹飯而學于我是以其費雖多而或取之
經常之外勢固有所不得已也況今浮屠氏之說亂君

臣之禮絕父子之親淫誣鄙詐以啟誘一世之人而納之于禽獸之域固先王之法之所必誅而不以聽者也顧乃肆然蔓衍于中國豐屋連甍良疇接畛以安且飽而莫之或禁是雖盡逐其人奪其所據而悉歸之學使吾徒之學為忠孝者得以無營于外而益進其業猶恐未足以勝其邪說况其荒墜蕪絕偶自至此又欲封植而永久之乎趙侯取之可謂務一而兩得矣故特為之記其本末與其指意所出者如此以示後之君子且以

詳引古制稱述地
德從來無此典核

警夫學之諸生使益用力乎予之所謂忠且孝者職其
事者又當謹其出內于簿書之外而無龠合之私焉則
庶其無負乎趙侯之教矣趙侯名某材甚高聽訟理財
皆辦其課又有餘力以及此諸使者方上其治行于朝
云

鄂州社稷壇記

淳熙十年春朝奉郎知鄂州事新安羅侯願以書來曰
吾州羣祀之壇始在中軍寨去年秋通守清江劉君清

之至而往謁焉視其地褊迫濬下燎瘞無所不稱藩國
欽崇命祀之意且念比年郡多水旱札瘥之變意其咎
或在是則言于州請得度地更置如律令已而劉君行
州事遂以屬銚事叅軍周明仲行視得城東黃鶴山下
廢營地一區東西十丈南北倍差按政和五禮畫為四
壇而屬其役事于兵馬監押趙伯烜作治未半而願適
承乏又屬都監王椿董之以速其成焉某月壇成東社
西稷居前東風伯西雨雷師居後少卻壇皆三成有墳

壝四門前二壇趾皆方二丈五尺崇尺二寸後二壇趾
皆方一丈六尺五寸崇八寸其再成方面皆殺尺崇四
分而去一三成方殺如之而崇不復殺前二壇皆方四
丈二尺門六尺間丈五尺後二壇皆方二丈八尺門五
尺間四丈九尺其崇皆四尺社有主崇二尺五寸方尺
剡其上倍其下半石也南五丈為門三間北二丈有奇
為齋廬五間繚以重垣甃以堅甃而植以三代之所宜
木亦既揀時日屬僚吏修祝號以告于神而妥之矣則

臣杜誦曰據
典禮剖義明詳
後復推拓言之
愈覺闢係鄭重
其文瀾壯濶猶
餘事耳

又與劉君謀以吾子之嘗學于禮也是以願請文以記
之俾後人之勿壞也熹按社實山林川澤丘陵墳衍原
隰五土之祇而后土勾龍氏其配也稷則專為原隰之
祇能生五穀者而后稷周棄氏其配也風師箕也雨師
畢也是皆著于周禮領于大宗伯之官唯社稷自天子
之都至于國里通得祭而風雨之神則自唐以來諸郡
始得祀焉至于雷神則又唐制所與雨師同壇共牲而
祀者也國朝禮文大抵多襲唐故故今郡國祀典自先

聖先師之外唯是五者蓋以為二氣之良能天地之功
用流行于覆載之間以育萬物而民生賴焉者其德惟
此為尤盛是以于其壇壝時日之制牲幣器服之品降
登饋奠之節莫不參訂討論著之禮象頒下郡國藏于
禮官有司歲舉行之而郡刺史又當以時循行察其不
如法者蓋有國家者所以昭事明神所以降祥錫福于
下其勤如此顧今之為吏者所知不過簿書期會之間
否則觴豆舞歌相與放焉而不知反其所敬畏崇飾而

神事之者非老子釋氏之祠則妖妄淫昏之鬼而已其
于先王之制國家之典所以治人事神者曷嘗有繫於
其心哉嗚呼人心之不正風俗之不厚年穀之不登民
生之不遂其不亦以此歟今羅侯之與劉君乃能相與
汲汲乎此非學古愛民之志卓然有見乎流俗見聞之
表其孰能之顧雖不文不足以記事實垂久遠然二君
子過以為嘗從俎豆之事不遠千里而屬筆焉其得辭
之乎因為書之使以刻于麗牲之石後有君子得以覽

義倉本良法篇中
將青苗相較處尤
覺利病劃然

馬羅侯方與劉君相率勸學劬農甚力劉君又嘗請于
前守李侯械禁境內無得奉大洪山淫祠者其于教民
善俗之事力所可為無有不盡其心也十一年春正月
甲辰具位新安朱熹記

婺州金華縣社倉記

淳熙二年東萊呂伯恭父自婺州來訪予于屏山之下
屏山在崇安朱子所居也乾道初朱子以薦為樞密院
編修官待次尋奉內諱遂家居不起淳熙二年呂東萊
祖謙來訪共編次近思錄已又送東萊至廣信遂與陸
子靜兄弟講學于鵲湖東萊年譜云淳熙二年四月如

武夷訪朱編修元晦蓋朱子是時提
舉武夷冲祐觀也武夷亦屬崇安
觀于社倉發斂之

靜軒周禮曰觀
文公社倉之法
真通百世而無
弊者也

端調芻蕘曰論
王氏青苗之失
誠為確見文中
實主相形起代
收束音格極工

政喟然嘆曰此周官委積之法隋唐義廩之制也然子
之穀取之有司而諸公之賢不易遭也吾將歸而屬諸

鄉人士友相與糾合而經營之使閭里有賑恤之儲而

公家無餽合之費不又愈乎然伯恭父既歸即登朝廷

輿病還家又不三年而卒

淳熙三年祖謙除祕書郎兼
實錄院檢討官修徽宗實錄

十月至臨安六年感末疾扶
持就輿歸淳熙八年七月卒

遂不果為其卒之年浙東

果大饑予因得備數推擇奉行荒政

朱子以宰相王淮
薦提舉常平茶鹽

按行至婺則婺之人狼狽轉死者已籍籍矣予因竊嘆
以為向使伯恭父之志得行必無今日之患既而尚書

下予所奏社倉事于諸道

朱子在浙東上言臣所居崇安縣開耀鄉有社倉一所係

乾道四年民間缺食熹請于府得常平米六百石以貸
夏受粟于倉冬則計米加息二斗以償自後隨年斂散
歛蠲其息之半大饑則盡蠲之凡十四年以原米六百
石還府見儲米三千一百石以為社倉不復收息每石
止收耗米三升以備折閱因此一鄉四十五里間遇歉
年民不缺血詔下其法于諸路按此即東萊所觀之社
倉也乃朱子請于知府徐嘉而立之與鄉人朝奉郎劉
如愚共主出納者其法以十家為甲甲推一人為首五
十家立一社首凡有稅糧人戶衣食不缺者及逃軍無
行之士皆不入甲即貧而不願入甲者亦聽之甲中人

戶備錄其大小口貸米時大口一石小口五斗五歲以下者不與縣官與鄉官同主其斂散有富家情願出米作本者亦募民有欲為者聽之民蓋多慕從者而未幾從其便

臣乾學曰青苗社倉之異同言之鑿鑿使阻撓者不得以藉口

予亦罷歸又不果有所為也是時伯恭父之門人潘君叔度感其事而深有意焉且念其家自先大夫時已務賑恤樂施予歲捐金帛不勝計矣而獨不及聞于此也于是慨然白其大人出家穀五百斛者為之金華縣發女鄉安期里之四十有一都斂散以時規畫詳備一都之人賴之而其積之厚而施之廣蓋未已也一日以書

虛懷平論安石
有知亦當心折
於地下

來曰此吾父師之志母兄之惠而吾子之所建雖予幸
克成之然世俗不能不以為疑也子其可不為我一言
以解之乎予惟有生之類莫非同體惟君子為無有我
之私以害之故其愛人利物之心為無窮特窮而在下
則禹稷之事有非其分之所得為者然苟其家之有餘
而推之以予隣里鄉黨則固吾聖人之所許而未有害
于不出其位之戒也況叔度之為此特因其墳廬之所
在而近及乎十保之間以成先志以悅親心以順師指

臣士奇曰救災
備急之道通糴
平價之方皆在
于此非青苗法
可比也宜諸儒
先後鼓舞必圖
舉行

且前乎此者又已嘗有天子之命于四方矣而何不可
之有哉抑凡世俗之所以病乎此者不過以王氏之青
苗為說耳以予觀于前賢之論而以今日之事驗之則
青苗者其立法之本意固未為不善也但其給之也以
金而不以穀其處之也以縣而不以鄉其職之也以官
吏而不以鄉人士君子其行之也以聚斂亟疾之意而
不以慘怛惠利之心是以王氏之能以行于一邑而不
能以行于天下子程子嘗極論之而卒不免于悔其已

甚而有激也予既不得辭于叔度之請是以詳著其本末而又附以此意發人蓋多叔度同門之士必有能觀叔度所為之善而無疑于青苗之說者焉則庶幾乎其有以廣夫君師之澤而使環地千里永無捐瘠之民矣豈不又甚美哉叔度名景憲與伯恭父同年進士年又長而屈首受學無難色師歿守其說不懈益虔于書無不讀蓋深有志于當世然以資峭直自度不能隨世俯仰故自中年不復求仕而獨于此為拳拳也

衡州石鼓書院記

砥俗式浮言重鼎
呂

衡州石鼓山據蒸湘之會

石鼓山在城東三里有東巖西谿朱陵後洞水經注曰臨

蒸縣有石鼓高六尺湘水所逕鼓鳴則有兵革之事郡國志蒸陽俯臨蒸水其氣如蒸故名江流環

帶最為一郡佳處故有書院起唐元和間州人李寬之所為至國初時嘗賜勅額其後乃復稍徙而東以為州學則書院之跡于此遂廢而不復修矣淳熙十二年部使者東陽潘侯時德夫始因舊址列屋數間榜以故額將以俟四方之士有志于學而不屑于課試之業者居

臣廷敬曰沉寔
精實不可磨滅

之未竟而去今使者成都宋侯若水子淵又因其故而
益廣之別建重屋以奉先聖先師之像且摹國子監及
本道諸州印書若干種若干卷而俾郡縣擇遣修士以
充入之蓋連帥林侯栗

字黃中福清人時為直寶文閣
廣南西路轉運判官改知潭州

諸使者蘇侯詡管侯鑑衡守薛侯伯宣皆奉金齋割公
田以佐其役踰年而後落其成焉于是宋侯以書來曰
願記其實以詔後人且有以幸教其學者則所望也予
惟前代庠序之教不修士病無所于學往往相與擇勝

地立精舍以為羣居講習之所而為政者乃或就而褒表之若此山若嶽麓若白鹿洞之類是也逮至本朝慶厯熙寧之盛學校之官遂徧天下而前日處士之廬無所用則其舊跡之蕪廢亦其勢然也不有好古圖舊之賢孰能謹而存之哉抑今郡縣之學官置博士弟子員皆未嘗考其德行道藝之素其所授受又皆世俗之書進取之業使人見利而不見義士之有志于為己者蓋羞言之是以嘗欲別求燕閒清曠之地以共講其所聞

而不可得此二公所以慨然發憤于斯役而不敢憚其煩蓋非獨不忍其舊迹之蕪廢而已也故特為之記其本末以告來者使知二公之志所以然者而毋以今日學校科舉之意亂焉又以風曉在位使知今日學校科舉之教其害將有不可勝言者不可以是為適然而莫之救也若諸生之所以學而非若今人之所謂則昔者吾友張子敬夫所以記夫嶽麓者語之詳矣顧于下學之功有所未究是以誦其言者不知所以從事之方而

無以蹈其實然今亦何以他求為哉亦曰養其全于未
發之前察其幾于將發之際善則擴而充之惡則克而
去之其如此而已矣又何俟予言哉十四年丁未歲夏
四月朔新安朱熹記

福州州學經史閣記

福州之學在東南為最盛弟子負常數百人比年以來
教養無法師生相視漠然如路人以故風俗日衰士氣
不作長老憂之而不能有以救也紹熙四年今教授臨

不取新奇而文氣
自疎達動人

邛常君濬孫始至既日進諸生而告之以古昔聖賢敦學之意又為之飭厨饌葺齋館以寧其居然後謹其出入之防嚴其課試之法朝夕其間訓誘不倦于是學者競勸始知常公之為吾師而常君之視諸生亦閔閔焉唯恐其不能自勉以進于學也故常慮其無書可讀而業將病于不廣則又為之益置書史合舊為若干卷度故御書閣之後更為重屋以藏之而以書來請記其事且致其諸生之意曰願有以教之也予惟古之學者無

他明德新民求各止于至善而已夫其所明之德所止之善豈有待于外求哉識其在我而敬以存之其亦可矣其所以必曰讀書云者則以天地陰陽事物之理修身事親齊家及國以至于平治天下之道與凡聖賢之言行古今之得失禮樂之名數下而至于食貨之源流兵刑之法制是亦莫非吾之度內有不可得而精粗者若非考諸載籍之文沈潛參伍以求其故則亦無以明夫明德體用之全而止其至善精微之極也然自聖學

端調葛藟曰書
多而理愈昧事
動而心愈放真
淵源窮本之言
使人讀而知警

不傳世之為士者不知學之有本而惟書之讀則其所
以求于書不越乎記誦訓詁文詞之間以釣聲名干祿
利而已是以天下之書愈多而理愈昧學者之事愈勤
而心愈放詞章愈麗論議愈高而其德業事功之實愈
無以逮乎古人然非書之罪也讀者不知學之有本而
無以為之地也今觀常君之為教既開之以古人數學
之意而後為之儲書以博其問辨之趣建閣以致其奉
守之嚴則亦庶乎本末之有序矣予雖有言又何以加

臣熙曰讀書將以窮理致用然非主敬存心則無以立多聞建事之本朱熹舉所得以告人宜其言之親切而有味也

于此哉然無已而有一焉則亦曰姑使二三子者知夫為學之本有無待于外求者而因以致其操存持守之力使吾方寸之間清明純一真有以為讀書之地而後宏其規密其度循其先後本末之序以大玩乎閣中之藏則夫天下之理其必有以盡其纖悉而一以貫之異時所以措諸事業者亦將有本而無窮矣因序其事而并書以遺之二三子其勉之哉凡閣之役始于慶元初元五月辛丑而成于七月之戊戌材甃傭食之費為錢

此議本程子之意
而益發其所未備
洵可以得真才而
收實效矣

四百萬有奇則常君既率其屬輸俸入以首事而帥守
詹侯體仁使者趙侯像之許侯知新咸有以資之至于
旁郡之守趙侯伯瓚十二邑之長陳君珪等亦以其力
來助而董其役者學之選士楊誠中張安仁蕭孔昭也

學校貢舉私議

古者學校選舉之法始于鄉黨而達于國都教之以德
行道藝而興其賢者能者蓋其所以居之者無異處所
以官之者無異術所以取之者無異路是以士有定志

端誠萬萬曰明
識偉論上下千
古無有過之者

而無外慕蚤夜孜孜惟懼德業之不修而不憂爵祿之
未至夫子所謂言寡尤行寡悔祿在其中孟子所謂修
其天爵而人爵從之蓋謂此也若夫三代之教藝為最
下然皆猶有實用而不可闕其為法度之密又足以為
治心養氣之助而進于道德之歸此古之為法所以能
成人材而厚風俗濟世務而興太平也今之為法不然
雖有鄉舉而其取人之額不均

宋取士自州縣發解惟
開封解額獨優士子多

冒畿
縣戶

又設太學利誘之一途

紹興間太學升上
舍者皆直赴廷對

監試漕

端調葛翁曰知
之明辨之確展
讀一過如沃水
雪

試附試詐冒之捷徑

建炎初念士人不能至行在令試于諸道提刑轉運司許直赴廷試

紹興初又詔京畿京東西河北陝西淮南士人轉徙東南者令于寓戶州軍附試此漕試附試之始也紹興十二年立同文館試凡居行在去本貫千里以上許附試于國子監此監試之始也三者皆有詐冒相沿為捷徑

以啟其奔趨流浪之意其所以教者既不本于德行之

實而所謂藝者又皆無用之空言至于甚弊則其所謂

空言者又皆怪妄無稽

宋試以詩賦論策帖經仁宗時即病其怪妄歐陽修稍正之後

用王氏新經又禁程氏專門之學叛道益甚

而適足以敗壞學者之心志是

以人材日衰風俗日薄朝廷州縣每有一事之可疑則

公卿大夫官人百吏愕眙相顧而不知所出是亦可驗

其為教之得失矣而議者不知其病源之所在反以程

試文字之不工為患而唱為混補之說

光宗紹熙間詔國子監試中上

等比類諸州待補中選之額放補一次崇寧初始令兩行混補

以益其弊或者知其不

可又欲斟酌舉行崇寧州縣三舍之法

宋時凡學皆隸國子監國子生

臣廷敬曰斟酌古今獨抒宏議後之論科舉之制者咸祖述焉

以京朝七品上子孫為之太學生以八品下子孫及庶民之俊異者為之元豐中始行三舍法自諸州試補外舍考其行藝序升內舍上舍皆號太學生上舍之上等取旨授官中等以俟殿試下等以俟省試崇寧元年命天下州郡並置學縣學生考選升州州學生三年一貢太學崇寧三年以貢士盛集作辟雍于國門外以處外

舍生而太學專處上舍內舍生士初貢至皆入辟雍以次升進遂詔取士悉由學校罷州郡發解及禮部試而使歲貢選士于太學其說雖若賢于混補之云然果行此則士之求入乎州學者必衆而今州郡之學錢糧有限將廣其額則食不足將仍其舊則其勢之偏選之艱而塗之狹又將有甚于前日之解額少而無所容也正使有以處之然使游其間者較計得失于旦暮錙銖之間不得寧息是又不惟無益而損莫大焉亦非計之得也蓋嘗思之必欲乘時改制以漸復先王之舊而善今

臣乾學曰罷詞賦之學塞利祿之塗而加以今年治經之法大儒建白粹然一出于正與明道熙寧學校取士之議意指略同

日之俗則必如明道先生熙寧之議然後可以大正其本而盡革其末流之弊如曰未暇則莫若且均諸州之解額以定其志立德行之科以厚其本罷去詞賦而分諸經子史時務之年以齊其業又使治經者必守家法命題者必依章句答義者必通貫經文條舉衆說而斷以己意學校則遴選實有道德之人使專教導以求實學之士裁減解額舍選謬濫之恩以塞利誘之塗

孝宗時太

學生過有期親任清要官更為國子生清要官得牒送子弟作待補國子此謬濫之恩也至于制科

明快透悉松欬學
者實地加功

詞科武舉之屬

宋時制舉無常科以待天下
之才傑又有博學宏詞科

亦皆究其

利病而頗更其制則有定志而無奔競之風有實行而
無空言之弊有實學而無不可用之材矣此其大略也
其詳則繼此而遂陳之

觀心說

或問佛者有觀心說然乎曰夫心者人之所以主乎身
者也一而不二者也為主而不為客者也命物而不命
于物者也故以心觀物則物之理得今復有物以返觀

乎心則是此心之外復有一心而能管乎此心也然則所謂心者為一耶為二耶為主耶為客耶為命物者耶為命于物者耶此亦不待較而審其言之謬矣或者曰若子之言則聖賢所謂精一所謂操存所謂盡心知性存心養性所謂見其參于前而倚于衡者皆何謂哉應之曰此言之相似而不同正苗莠朱紫之間而學者之所當辨者也夫謂人心之危者人欲之萌也道心之微者天理之奧也心則一也以正不正而異其名耳惟精

惟一則居其正而審其差者也絀其異而反其同者也
能如是則信執其中而無過不及之偏矣非以道為一
心人為一心而又有一心以精一之也夫謂操而存者
非以彼操此而存之也舍而亡者非以彼舍此而亡之
也心而自操則亡者存舍而不操則存者亡耳然其操
之也亦曰不使旦晝之所為得以梏亡其仁義之良心
云爾非塊然兀坐以守其炯然不用之知覺而謂之操
存也若盡心云者則格物窮理廓然貫通而有以極夫

臣英曰紫陽之學以踐履爲首爲要以致知格物爲本此文乃其探源尋委與二氏相別處


心之所具之理也存心云者則敬以直內義以方外若前所謂精一操存之道也故盡其心而可以知性知天以其體之不蔽而有以究夫理之自然也存心而可以養性事天以其體之不失而有以順夫理之自然也是豈以心盡心以心存心如兩物之相持而不相舍哉若參前倚衡之云者則為忠信篤信而發也蓋曰忠信焉敬不忘乎心則無所適而不見其在是云爾亦非有以見夫心之謂也且身在此而心參于前身在與而心倚

于衡是果何理也耶大抵聖人之學本心以窮理而順
理以應物如身使臂如臂使指其道夷而通其居廣而
安其理實而行自然釋氏之學以心求心以心使心如
口齟口如目視目其機危而迫其途險而塞其理虛而
其勢逆蓋其言雖有若相似者而其實之不同蓋如此
也然非夫審思明辨之君子其亦孰能無惑于斯耶按
熹之學窮理以致其知反躬以踐其實而居敬以成始而
成終故獨紹千餘年道統不傳之緒先賢論之詳矣而
其為文根極天人性命之原發揮聖賢道德之蘊自格
致誠正而修齊治平本末精粗條理一貫斥異端之虛

無正俗學之紕繆挾摘幽渺辯析毫芒以歸諸大醇蓋
曲折而道其所難言深切而開人所未發無意于為文
而天下之文章莫大乎是矣孔子曰有德
者必有言又曰辭達而已矣其斯之謂也



御選古文淵鑒卷六十一



總校官庶吉士臣張能照

校對官原任典簿臣郭祚熾

謄錄監生臣劉能

欽定四庫全書曾要

集部

御選古文淵鑒卷六十二

欽定四庫全書薈要

御選古文淵鑒卷六十二目錄

宋



張栻

入見孝宗奏

呂祖謙

戒諭兩淮守令恤農詔

戒諭沿邊修武備詔

建隆編勅序

代宰臣史浩等恭書御製秋日幸秘書省近體詩

下方

白鹿洞書院記

陸九淵

送宜黃何尉序

劉晏知取予論

陳亮

送徐子才赴富陽序

論傳注

葉適

上寧宗皇帝劄子

財計上

瑞安縣重修縣學記

御選古文淵鑒卷六十二目錄

欽定四庫全書薈要卷一萬七千二百十五

集部

御選古文淵鑒卷六十二

內閣學士兼禮部侍郎教習庶吉士臣徐乾學等奉

旨編注

宋

張栻

字敬夫丞相浚子也師事胡宏以古聖賢自期用廢補官至祕閣修撰知江陵府安撫本

路以右文殿修撰提舉武夷山冲祐觀卒學者稱南軒先生

入見孝宗奏

栻時改知嚴州宰相虞允文以恢復為已任意栻當與已合數遣人

致殷勤拭不

答因入奏

先王所以建事立功無不如志者以其胸中之誠有以
感格天之心而與之無間也今規畫雖勞而事功不
立陛下誠深察之日用之間念慮云為之際亦有私意
之發以害吾之誠者乎有則克而去之使吾中肩洞然
說文肩外閉之關也人
心在內如肩故曰中肩無所間雜則見義必精守義必
固而天人之應將不待求而得矣夫欲復中原之地先
有以得中原之心欲得中原之心先有以得吾民之心

求所以得吾民之心者豈有他哉不盡其力不傷其財而已矣今日之事固當以明大義正人心為本然其所施有先後則其緩急不可以不詳所務有名實則其取舍不可以不審此又明主所宜深察也

呂祖謙

字伯恭婺州人好問之孫其學本之家庭又與朱熹張栻為友講索益精舉進士復

中博學宏詞科除直祕閣以著作郎兼國史院編脩官卒謚曰成學者稱東萊先生

戒諭兩淮守令恤農詔

孝宗乾道元年六月以淮南轉運判官姚岳言

境內飛蝗自死詔奪一官罷之因以兩淮守令勞徠安集無效下此詔戒飭之仍以詔置

古爵中有真氣論
決

守令
治所

卷六十二

臣熙曰推原太
上德意以嘉惠
農民膏澤既敷
益光孝治兩淮
南渡後為邊防
要鎮詔詔不獨
寧人之本計實
固圉之良圖也

朕觀周宣之治還定安集而勛勞矜寡離散之民咸安
其居中興之業人到於今稱之朕初承基緒兢兢業業
以計安天下深惟兩淮之間瘡痍未平民力大屈流移
交跡轉為氓隸廼眷壯顧用震悼於厥心間者太上皇
帝數申飭守令懷輯疲瘵督趣農桑
是年正月立兩淮
守令勸民種桑賞
格二月朝太上皇於德壽宮遂遣官檢察兩淮州縣賑濟饑民蠲賦省徭以佐百姓之
急臨遣左右侍從之臣分行疆場復調旁近郡耕牛振

業新附所以加惠元元者視周宣有光焉朕臨政願治
仰遵慈訓夙夜不敢忘而邊糴翔貴生齒益落自占版
籍者裁十二三僑居浮寄無所繫心勸之勤而應之急
其咎安在豈下吏未能奉稱而盡地力之教不先歟將
豪奪暴役與東作爭而害農者蕃歟夫兩淮吾所重也
異日沃埜上腴為天下最今乃儕於荒遠彫敝之區幾
不為郡長民者獨安取此繼自今其悉乃心銷沮游末
力穡敦本以稱朕安集之意有能帥先墾闢為諸郡倡

者部使者上其名以差受寵若縱弛怠傲不如吾詔者亦糾劾以聞時則有顯罰不可違朕言維服尚聽毋忽

戒諭沿邊修武備詔

孝宗隆興二年湯思退請撤邊備至乾道八年始依

虞允文之請決策親征九年仍示虞允文速為邊備乃下詔樞密院

朕攬前世治邊之策責大指而削小文略近利而規後

加意振飭措語近古

效長轡遠馭與豪傑之士共期繩墨之外肆其封疆之臣亦越拘攣之見以為公家忠計用能辟地却敵顯有不功朕甚嘉之朕不能遠德邊虞未寧重勞士大夫貌

臣乾學曰守圉
至計洞若觀火
俾將帥牧守聞
之當為凜然而

然甚慚廼者臨遣大臣盡護羣帥夙夜為守圉計至熟

悉也而障塞破壞亭候堙絕吏氣傷沮武備衰減便文

自營毛舉細事以塞責或翫寇遷延宿兵無用之地或

侵驅新附使邊騷然不安或屯聚懈弛莫能相壹或創

又戰鬪選要退縮

要與
悞同

意者跼蹐之士束於刀筆吏而

不得騁歟將郡國之吏或不足亢一方之任歟抑貨賄

上流吏卒失職下亡所信歟今朕播告之修不匿厥指

維爾將帥牧守其厲鋒鏑展腹心賦車籍馬必戒輓運

訓辭俱得三代
談話之體

頌揚本朝體製肅
穆而詞意闕達

奉饗必豐器械必犀利

犀按說文徐鉉曰當作犀堅也漢書馮奉世傳器不犀利音西

鼂錯傳又作犀亦訓堅增韻云

烽燧必精明毋拘常守

古以犀兕為堅故以為堅也

以失事機之會功多有厚賞不廸有顯戮尚克欽承以
寬朕壯顧之慮則予汝嘉

建隆編勅序

太祖皇帝受命穆清肇造區夏建隆之元號為天地重
開迺命左右之臣條定憲章論次律令創業垂統為萬
世則越四年七月己卯判大理寺臣儀上建隆編勅四

卷

實儀字可象太祖建隆元年以工部尚書兼判大理寺奉詔重定刑統三十卷編勅四卷宏規丕

矩易簡坦明揭於象魏藏於有司職於秋官盼於郡國

盼與頌同

用啟佑後聖繼繼承咸以正罔缺確乎致治之

成法也臣涵泳聖涯固不足以測知乾坤闔闢之緼然

職在翰墨其可以詞語淺薄為解謹齋心極思而序之

曰一天下者必不嗜殺人然後定惟五代之亂彊凌弱

衆暴寡無知之氓奔者騁欲

者與嗜同

眎三尺法猶弁髦土

梗而大棄之奪攘不忌剽劫顯行上之人厭苦其難治

於是為一切之法以求勝民不師古始墮壞先王金科

玉條之制相夸以虐相高以險奇請它比溢於几閣黠

昏老吏生死於簿書之間猶不能徧識千機萬竅罔民

而納之死悍臣酷吏奮髯抵案

漢書朱博為瑯琊太守曹掾吏皆移病卧博奮

髯抵几曰觀齊兒欲以此為俗耶乃行

罷諸病吏白巾走出府門郡中大驚斬艾擊斷專決

不請駢首就戮血流波道

韓弘斬劉錡卒三百人血流波道

民舉足而

蹈陷阱側身而入河海靡衣媮食不為終日之計時君

偃然自以防民之具高視前世然法出姦生令下詐起

臣廷敬曰文格
高簡擬於兩漢
先秦

姦宄無窮而鈇鉞不足凶威毒燎腥聞於天上帝震怒
崇降罪疾亦罔克永世惟我藝祖奄受方夏代虐以寬
當宁太息思欲滌除苛法撥亂世而反之正深詔通明
平恕之士傳以經誼蔽以人情成書之布前目後凡較
然畫一以四卷之簡而馭億萬生齒之繁風流薦厚禁
罔疎濶斯民安土樂生不敢以身試法駸駸乎圜空刑
措之治矣昔之為法愈多而犯法亦多今之為法愈寡
而犯法亦寡昔之防民日嚴而民日慢今之防民日寬

臣杜訥曰行文
典茂矜貴古色
陸離篇末紬繹
引伸悠然無盡

而民日謹昔之吏屈首朱墨而不足今之吏從容畫諾
而有餘是知為治之道果在此而不在彼也深仁厚澤
克開厥後民之戴宋永永無窮後世雖有作者蔑有加
於此矣世之議者或謂藝祖之法以威克厥愛為主臣
竊以為聖人之用刑若醫者之用藥當疾之初平藥石
未可一朝去也必俟元氣稍勝則藥石稍損元氣俱復
則藥石俱捐藝祖拔民於水火之中如疾之初平者也
故於前代之刑猶存十一於千百至於後聖教化益明

彌見忠厚至意

則刑益輕慶厯嘉祐以來鞭笞之罰不上於士大夫實
推本藝祖好生之德孰謂其尚威乎臣懼後之有司不
察藝祖制法之原謹復列之於末以告來者臣謹記

代宰臣史浩等恭書御製秋日幸祕書省近體

詩下方

淳熙六年九月十二日車駕幸祕書省賜宴明日內出近體詩一首賜羣

臣丞相以下皆進詩祖謙進和篇一首及代宰臣恭書御製下方又代宰臣作謝表是月以

幸省恩轉

朝散郎

臣等仰惟皇帝陛下宵旰萬微身濟大業雕琢夸詡浮

就一事中發出三
層意思腕力渾勁

顏頤兩漢

靡虛憍之習是抑是黜園游池籞宴豫虞樂之奉是損
是蠲居焉非本實不親動焉非法義不舉瞻茲三館乃
儲藏典訓長育英俊之地自紹興清蹕下臨迄今三十
有四年思欲儀型丕彝以增光聖緒於九月辛酉朔詔
有司戒期十有二月壬申幸祕書省受朝右文殿移御
祕閣紬光堯太上皇帝高宗寶章以視羣臣既又修太
平興國故事張宴右文酒五行罷越翼日癸酉內出御
製詩賜臣浩以下昭回淵曜參賁圖書鴻大閱深匹休

臣英曰端重溫
醇不佻不煩是

雅頌臣等下拜登受相與齋祓敷繹宸指蓋在昔聖人
以開物之智立經陳紀通於萬世惟有道之主為能監
世盈虛則象成憲立一王法是之謂稽古文武竝用久
長之術惟崇起經藝褒表儒學用能章明大誼馴服雄
虢俾咸知尊君親上茂集駿功是之謂右文國以人為
輕重士氣之肆拘信屈論世者必觀焉惟虛已忘勢然
後羣獻輻湊展布四體樂盡其心是之謂禮賢下士大
哉王言堯舜禹湯文武之隆由此其選固非墨客槧人

所得私以為榮觀臣等昧死請勒諸琬琰貽諸億載與日月雲漢同垂無極制曰可謹具著其語下方以風示寓內德意志慮之所鄉云

白鹿洞書院記

淳熙五年朱熹以史浩薦除知南康軍訪白鹿洞書院遺址奏

復其舊為學
規俾守之

崇文講學允為治
道所重斯篇能發
揮大指典醇不佻

淳熙六年南康軍秋雨不時高仰之田告病郡守新安朱侯熹行眡陂塘竝廬山而東得白鹿洞書院廢址慨然顧其僚曰是盖唐李渤之隱居而太宗皇帝驛送九

經俾生徒肄業之地也書院初於南唐其事至淺鮮太宗於汎掃區宇日不暇給之際獎勸封殖如恐弗及規模遠矣中興五十年釋老之宮圯於寇戎者斧斤之聲相聞各復其初獨此地委於榛莽過者太息庸非吾徒之恥哉郡雖貧薄顧不能築屋數楹上以宣布本朝崇建人文之大指下以續先賢之風聲於方來乎乃屬軍學教授楊君大灋星子縣令王君仲傑董其事又以書命某記其成某竊嘗聞之諸公長者國初斯民新脫五

臣士奇曰天下
四書院白鹿為
最著故歷陳理
學源流極其鄭
重

季鋒鏘之既學者尚寡海內向平文風日起儒先往往
依山林即閒曠以講授大帥多至數十百人嵩陽嶽麓
睢陽及是洞為尤著天下所謂四書院者也祖宗尊右
儒術分之官書命之祿秩賜之扁榜所以寵之者甚備
當是時士皆尚質實下新奇敦行義而不偷守訓故而
不鑿雖學問之淵源統紀或未深究然甘受和白受采
既有進德之地矣慶歷嘉祐之間豪傑並出講治益精
至於河南程氏橫渠張氏相與倡明正學然後三代孔

孟之教始終條理於是乎可考熙寧初明道先生在朝
建白學制教養考察賓興之法綱條甚悉不幸王氏之
學方興其議遂格有志之士未嘗不歎息於斯當建炎
再造典刑文憲浸遠舊觀關洛緒言稍出於毀棄剪滅
之餘晚進小生驟聞其語不知親師取友以講求用力
之實躡等凌節忽近慕遠未能闢程張之門庭而先有
王氏高自賢聖之病如是洞之所傳習道之者或鮮矣
然則書院之復豈苟云哉此邦之士蓋相與揖先儒淳

固愬實之餘風服大學離經辨志之始教由博而約自
卑而高以答揚熙陵開迪樂育之大德太宗葬永熙陵則於賢
侯之勸學斯無負矣至於考方志紀人物亦有土者所
當謹若李渤之遺跡固不得而略也侯於是役重民之
勞賦功已狹率損其舊十七八力不足而意則有餘矣
興廢始末具於當塗郭祥正所記者皆不書

陸九淵

字子靜登進士第出呂祖謙之門官至知
荆門軍嘗與朱熹會鷺湖論辯所學多不

合及熹守南康九淵訪之熹與至白鹿洞九淵
為講君子小人喻義利一章聽者泣下熹以為

叙令尉之賢否狀
民心之欣戚有裨
激揚吏治

伯敬鍾惺曰是
非曲直妙在淡
淡寫出不費筆
墨而文情都雅

切中學者隱微深痼之病除將作
監丞居象山學者號象山先生

送宜黃何尉序

民甚宜其尉甚不宜其令吏甚宜其令甚不宜其尉是
令尉之賢否不難知也尉以是不善於其令令以是不
善於其尉是令尉之曲直不難知也東陽何君坦尉宜
黃與其令臧氏子不相善其賢否曲直蓋不難知者二
人之爭至於有司有司不置白黑於其間遂以俱罷縣
之民謂臧之罪不止於罷而幸其去謂何之故不至於

罷而惜其去臧貪而富且自知得罪於民式遄其歸矣
何廉而貧無以振其行李縣之士民哀其窮而為之裹
囊以餞之思其賢而為之歌詩以送之何之歸亦榮矣
比干剖心惡來知政子胥鴟夷宰嚭謀國爵刑舛施德
業倒植若此者班班見於書傳今有司所以處臧何之
賢否曲直者雖未當乎人心然揆之舛施倒植之事豈
不遠哉況其民心士論有以慰薦扶持如此其盛者乎
何君尚何憾魯士師如柳下惠楚令尹如子文其平獄

月峯孫鍾曰兩
用何君何憾作
詠末却一語掉
轉烟波無限

治理之善當不可勝紀三黜三已之間其為曲直多矣
而語益所稱獨在於遺佚不怨阮窮不憫仕無喜色已
無愠色況今天子重明麗正光輝日新大臣如德星禦
陰輔陽以却氛祲下邑一尉悉力衛其民以迓墨令適
用吏文與令俱罷是豈終遺佚阮窮而已者乎何君尚何
憾雖然何君譽處若此其盛者臧氏子實為之也何君之
心何君之學遽可如是而已乎何君是舉亦勇矣誠率
是勇以志乎道進乎學必居廣居立正位行大道使富

貴不能淫貧賤不能移威武不能屈此吾所望於何君者不然何君固無憾吾將有憾於何君矣

劉晏知取予論

唐書贊曰晏因平準法幹山海排商賈制萬物低昂常操天下

贏貲以佐軍興數十年拏兵餉不及民而用度足唐中饋而振晏有勞焉可謂知取予矣

劉晏終興桑孔有別持論最公未以正義裁之予奪抑揚確然不與

天下之事不兩得知其說者斯兩得之矣取予之說事之不兩得焉者也民有餘而取國有餘而予此夫人而能知之者也至於國之匱方有待乎吾之取而濟民之困方有待乎吾之與而蘇當是時顧國之匱而取之乎

必不恤民焉而後可也顧民之困而予之乎必不恤國
焉而後可也事之不兩得孰有甚於此哉使終於不兩
得則終無一得焉爾矣故取予之說不可謂易知也取
而傷民非知取者也予而傷國非知予者也操開闔斂
散之權總多寡盈縮之數振弊舉廢挹盈注虛索之於
人之所不見圖之於人之所不慮取焉而不傷民予焉
而不傷國豈夫人而能知之者哉必有其才而後知其
說也非唐之劉晏吾誰與歸史氏以知取予許之真知

晏者哉夫所病夫取予之難者非一不足之難而皆不足之難也下有餘而取之可也彼方不足也而何以取之上有餘而予之可也此方不足也而何以予之天下有皆不足之病矣而有皆不足之理乎聞之曰川竭而谷盈丘夷而淵實天下蓋未始皆不足也方其上之不足也不必求之下也其可以足之者固有存乎其下焉者矣下之不足也不必求之上也其可以足之者固有存乎其下焉者矣將輸之利害不明則費廣於舟車之

徭儲藏之利害不悉則公困於腐蠹之弊物苦道遠則
尋以輸尺斛以輸斗吏汙法弊則私良公害私盈公虛
此所謂不必求之下焉者也富賈垂急而騰息豪民困
弱而兼并貪胥旁公而侵漁繩甕不立而連阡陌者猶
未已也糟糠不厭而餘芻豢者猶爭侈也此所謂不必
求之上焉者也繇是言之有餘不足之數可得而見而
取予之說可得而知也然狃於常者變之則駭便於私
者奪之則爭黨繁勢厚則扞格而難勝謀沉計深則詭

臣廷敬曰賴挫
抑揚文有矯健
之姿

祕而不可察圖利而害愈繁趨省而費益廣則夫天下之才果不易得而取予之說果不易知也支左屈右夫射者舉知之也至於中秋毫於百步之外左右前後惟的之從知之者惟后羿而已攬轡執策夫御者舉知之也至於致六馬於千里之遠周旋曲折惟意所適知之者惟造父而已國不足而取民不足而予夫人而能知之也至於取不傷民予不傷國知之者惟晏而已利病具於元載之書而轉漕之說詳鼓吹出於東渭之橋而

轉漕之功著補辟之選精也

代宗時大兵後京師米斗千錢禁膳不兼時旬農授

穗以輸晏自按行浮淮泗達汴入河觀三門遺跡廝河為通濟渠然畏人牽制遺書元載備言利病各四載盡

以漕事委之歲輸至天子大悅遣衛士以鼓吹迂東渭橋馳使勞曰卿朕鄼侯也

干請者寧奉

以廩入故趨督倚辦而功成教令之出嚴也

晏分置諸道租庸使

簡臺閣士專之盡一時之選趨督倚辦故能成功雖權貴干請欲假職仕者晏厚以廩入奉之未嘗使親事是

以人人勸職

數千里無異於目前至嘖呻諧戲不敢隱

晏所任者

雖數千里外奉教令如目前嘖呻諧戲不敢隱鹽法密於第五琦而地無遺入

鼓鑄興於淮楚間而貨有餘緡

第五琦治權鹽晏代之法益密利無遺入歲收

緡錢千二百萬晏又於淮楚間買銅易薪歲鑄緡錢十餘萬

彼其所以取之者豈盡

出乎下哉是以取之而民不傷駛足募而商賈不得制

物價之低昂

晏於諸道巡院皆募駛足置驛相望四方貨直低昂及他利害雖甚遠數日即知

賑救行而豪植不得垂細民之困溺

每州縣有荒歉晏先令蠲某物貸某

戶民未及困而奏報已行

簡核出內一委之士而吏無所竄巧督漕

主驛一出之官而民得以息肩無名之斂雖罷而鹽權

實行米粟之賑雖出而雜貨則入彼其所以予之者豈

盡出乎上哉是以予之而國不乏嗚呼創殘之餘而嚮

敵之甲未解也饑疫之後而饋軍之需未艾也上方宵
旰而民且囂囂而晏也遑遑於其間深計密畫推羨補
闕國不增役而民力紓民不加賦而國用足非夫知取
予之說妙取予之術疇克濟哉若夫頭會箕歛剥膚推
髓疲民力而激便漕之功於難成之渠捨吏欺而責負
逋之租於已輸之民竭下以益上困民以悅君此則韋
堅王鉷揚國忠之倫無恥敗國甘處乎晏之下而人皆
憤焉者也至於談仁義述禮樂既古人之文而不既古

人之實大言侈說而不適於用如裴光庭之暴宇文融之惡而不能任國用不足之責

韋堅王鉞楊國忠裴光庭宇文融明皇時皆以

聚斂房琯知惡第五琦而不能對何所取財之問

第五琦言

財利幸於肅宗為江淮租庸使房琯諫之帝曰六軍之命方急無財則散卿惡琦可也何所取財琯不能對

此則不知堯舜孔孟之學雖自處不在晏之下而天下皆笑之者也甘處乎下者如彼欲出乎上者如此則夫知取予者非晏之與而誰與也雖然論之以聖人之道照之以君子之智則堅鉞國忠雖晏所不為而愚恐其

臣乾學曰論晏之所以知取予處深中窺要而總攬其出於才術未聞聖人之道此醇儒經濟所以絕異於管商也

有時而同科瑄光庭雖不足以詆晏而愚恐晏未免於可詆何則晏之取予出於才而不出於學根乎術而不根乎道出於才而根於術則世主之忠臣而聖君之罪人也上有道揆而責以有司之事焉可也人君悅而尊寵之鮮有不弊焉者也易之理財周官之制國用孟子之正經界其取不傷民予不傷國者未始不與晏同而綱條法度使官有所守民有所賴致天下之大利而人知有義而不知有利此則與晏異故曰出於才而不出

於學根於術而不根於道晏之治財未能過管商氏仲
尼之門五尺童子羞稱管商曾西之不為孟子之不顧
至於商君則後世薦論以為帝秦者商君也而亡秦者
亦商君也今晏之所為如茗橘珍貢常冠諸府要官華
使多出其門畏權貴而稟其人嘿其口而啖以利為國
家者亦何利於此哉使不死於楊炎之擠則其污身敗
國者將不止此

晏雖廉儉自守然任職久勢軋宰相要官華使多出其門茗橘珍貴先道入貢

賂遺四方名士具有口舌者率以利啖之使不得有所
訾短故議者頗言晏任數固恩始楊炎為吏部侍郎晏

為尚書盛氣不相下及炎

執政銜宿怨構晏罪賜死人莫不以揚炎之擠為晏惜

而愚獨以為晏之幸故曰論之以聖人之道照之以君子之智蓋未免於可詆亦未必不與堅鉅國忠等同科雖然才之難也久矣道不稽諸堯舜學無窺於孔孟毋徒為侈說以輕議焉可也

陳亮

字同父婺州永康人才氣超邁喜談兵論議風生屢上書言國家大計不見用又坐事屢

遭大獄益勵志讀書光宗朝對策御筆擢第一授食書建康府判官卒謚文毅

送徐子才赴富陽序

鋒穎逆軼英四
射

伯敬鍾惺曰人
見其議論奇以
為才高而不知
其思慮沉盪學
問大有過人者
也

漢法常選所表循吏以為公卿故郡縣稱治然其立朝

往往多不稱在郡縣時豈國家固自有大體而治道果

不可以吏道辦耶龐士元蔣公琰

蔣琬字

不屑意於郡而

謀國有稱焉當時以為非百里才雖諸葛孔明之論亦

如此然則吏道又有出於治道之外者耶亮自十八九

歲獲從故老鄉人游故老鄉人莫余知也而陳聖嘉應

仲實徐子才獨以為可聖嘉之與人交仲實之自處子

才之特立皆余之所願學也晚與一世豪傑上下其論

臣熙曰為吏貴
識大體持論甚
高意兼責善文
勢錯綜變化極
瑰異之觀

而三人者每每不能去心非直以交舊之情而已子才
又其高明奇偉者小試輒有聲諸公爭知之得邑輦轂
下蓋何足以展其游刃哉然士之侈然矜奮於一邑者
非有餘也技窮於此矣置不復論則志浮於事不足法
也事之至者盡吾心焉事已而無留吝之意處小存大
大則不遺於小此所以隨所寓而嘗有餘夫治道之與
吏道又焉有二物哉今天下郡縣固不可為而附輦之
邑尤不易為也無名難辦之費巧以取之民則將誰欺

倚公而豪取之則民復何罪況上之人常不自任其責而責辦於我民一有言焉則又譏罪於我而彼若不與知者子才宜何以處此楚漢相距滎陽成臯間蕭何至遣老弱未傳者悉詣軍可謂無策矣而高帝稱其有鎮國家撫百姓之功此果何說哉平時所以為民慮者甚周緩急不時之須亦為民計而已矣未嘗為民慮也而行一切之政以趣辦民之不戢刃於其胸者直須時耳若曰吾不忍民之至此或高舉而避之或閉目搖首以

聽其自作自止徒以張夫一切趣辦者之勢則其罪等耳此古之君子所以嘗盡心於不可為之地也子羔為費宰而夫子以責子路者憂其少未堪事耳子路乃以為有民人焉有社稷焉何必讀書然後為學此後世英雄豪傑之所以因事增智諸儒嘗瞠若乎其後而夫子平時教詔中人以上之辭也豈所以施之子羔哉徒禦人以口給而已矣因吏道之曲折而得治道之大體吾獨有望於子才耳能使亮自是常不去心則不必歲晏

而後論之也

論傳注

註疏雖未盡聖賢
精意然實有功經
學下筆極有分寸

昔者孔子適周而觀禮上世帝王之書蓋亦無所不覩
矣包犧氏神農氏黃帝氏始開天地而建人極其大者
固已為百王之所不可廢而風俗之尚朴法度之尚簡
也故其書不可存而存其大者易所載十三卦聖人
是也而易之書則天地古今之變備矣帝王始因時立
制可以為萬世法程而百王之綱理世變者自是而愈

詳故裁而為書三代損益之變後世聖人將有考焉而
夏商之書杞宋特不足證於是始定周禮又參考周家
風俗之盛衰與其列國離合之變刪而為詩其於周可
謂詳矣又取累聖之所以宣天地之和者列為樂書而
又傷春秋之變遂不可為也齊威晉文之伯首變三代
之故而天地之大經從此廢矣聖人之所以通百代之
變者一切著之春秋六經作而天人之際其始終可考
矣此聖人之志也而王仲淹實知之九師三傳齊韓毛

臣乾學曰自宋以前皆崇尚註疏諸生謹守其家法學者誦習其師說雖精華枝葉無不異流同源也得此可證鑒空妄說之弊

鄭大戴小戴與夫伏生孔安國之徒其於六經之文窮年累歲不遺餘力矣師友相傳考訂是非不任胸臆矣而聖人作經之大旨則非數子之所能知也天下而未
有豪傑特起之士則世之言經者豈能出數子之外哉
出數子之外者任胸臆而侮聖言者也彼其說之有源
流也歷盛衰之變也合前後之智也於聖人之大者猶
有遺也納天下之學者於規矩之內吾未見其舍注疏
而遽能使其心術之有所止也當漢唐之盛時學者

臣士奇曰漢儒之解經不及宋儒之精深宋儒却不及漢儒之

皆重厚質實而不為浮躁儇淺之行彼其源流有自來矣祖宗之初不以文字卑陋為當變而以人心無所底止為可憂故天下之士惟知誦先儒之說以為據依而不自知其文之陋也是以重厚質實之風往往或過於漢唐盛時其後景祐慶厯之間歐陽公首變五代卑陋之文奮然有獨抱遺經以究終始之意終不敢舍先儒之說而猶惓惓於正義蓋其源流未遠也嘉祐以後文日盛而此風少衰矣極而至於熙豐之尚同猶未若今

典實抹倒孔鄭
諸家非也陳同
甫此篇歸功注
疏的是公論

日之放意肆志以侮玩聖言也聖人作經之大旨非豪傑特立之士不能知而纖悉曲折之際則注疏亦詳矣何所見而忽略其源流而不論乎無怪乎人心之日偷而風俗之日薄也然考之三朝未嘗立法也而天下之學者知以注疏為重則人心之向背顧上之人如何耳夫取果於未熟與取之於既熟相去旬日之間而其味遠矣將以厚天下學者之心術而先啟其紛紛則又執事之所當慮也可與樂成難與慮始此豈忠厚者之論

乎蓋亦思所以先之

葉適

字正則永嘉人擢進士第二官至寶文閣學士適志意慷慨雅以經濟自負朱熹為林栗

所劾適上疏爭之語尤切
卒贈光祿大夫謚忠定

上寧宗皇帝劄子

寧宗朝適起為湖南轉運判官遷知泉州召入對因上此

書帝嘉

納之

拈和平二字作主
文亦粹然以醇

臣聞欲占國家盛衰之符必以人材離合為驗昔周文
武身致多士作而用之順上天命最為長久召康公從
成王賦卷阿之詩言求賢用吉士其興託淵然以深其

旨意沃然以長不以美而以戒其詞曰藹藹王多吉士
惟君子使媚於天子又曰藹藹王多吉人惟君子命媚
于庶人夫上媚天子下媚庶人不以抗犯為能而以順
悅為得此豈有諂曲之意存乎其間哉忠信誠實盡公
忘家惟以國之休戚關憂樂不以己之曲直較勝負故
能上為人主所信下為百姓所愛蓋人材合一之時和
平極盛之治其效如此非末世所能及也往者陛下初
嗣大寶臣服在百僚偶當進對輒不自已竊嘗申繹卷

臣廷敬曰托要
之言所謂一語
勝人千百

阿之意為陛下獻天啓明聖德意開廣志慮日新銷磨
黨偏秉執中道人材庶幾復合和平可以馴致臣災疾
羸殘目覩斯事不勝感歎臣聞治國以和為體處事以
平為極和如庖人之味焉主於養口而無酸醎甘苦之
爭也使猶有酸醎甘苦之爭則非和矣平如工人之器
焉主於利用而無痕跡節目之累也若猶以痕跡節目
為累則非平矣故善調味者必使衆味不得各執其味
而善制器者必能消衆不平使皆効其平人臣誰無有

已惟明主能使其忘已仁宗初年嘗有黨論至和嘉祐間昔所廢棄皆復湔洗不分彼此不問新舊人材復合遂為本朝盛時臣久病積衰已絕榮望區區之愚所期人主忘已體國銘心既往圖報方來如子事父無有怠竭職任所繫畢智陳力分守所嚴極忠盡敬不私一身以自徇而與公家相為先後如此則下知和平之實義上享和平之實福遠追文武近法仁宗以無愧於卷阿之詩陛下財幸

具此洞通之識始
可權衡會計

月峯錄錢曰權
時度勢深得其
公之意

財計上

理財與聚斂異今之言理財者聚斂而已矣非獨今之
言理財者也自周衰而其義失以為取諸民而供上用
故謂之理財而其善者則取之巧而民不知上有餘而
下不困斯其為理財而已矣故君子避理財之名而小
人執理財之權夫君子不知其義而徒有仁義之意以
為理之者必取之也是故避之而弗為小人無仁義之
意而有聚斂之資雖非有益於已而務以多取為悅是

伯敬鍾惺曰析
理財之義甚精
論君子之過當
當

故當之而不辭執之而弗置而其上亦以君子為不能
也故舉天下之大計屬之小人雖明知其負天下之不
義而莫之恤以為是固當然而不疑也嗚呼使君子避
理財之名小人執理財之權而上之任用亦出於小人
而無愧民之受病國之受謗何時而已夫聚天下之人
則不可以無衣食之具或此有而彼亡或此多而彼寡
或不求則伏而不見或無節則散而莫收或消剝而浸
微或少竭而不繼或其源雖在而浚導之無法則其流

壅遏而不行是故以天下之財與天下共理之者大禹
周公是也古之人未有不善理財而為聖君賢臣者也
若是者其上之用度固已沛然而不匱矣後世之論則
以小人善理財而聖賢不為利也聖賢誠不為利也上
下不給而聖賢不知所以通之徒曰我不為也此其所
以使小人為之而無疑歟當熙寧之大臣慕周公之理
財為市易之司以奪商賈之贏分天下以債而取其什
二之息曰此周公泉府之法也天下之為君子者又從

而爭之曰此非周公之法也周公不為利也其人又從

而解之曰此真周公之法也聖人之意六經之書而後

世不足以知之以此嗤笑其辨者然而大法行而天下

終以大弊故今之君子真以為聖賢不理財言理財者

必小人而後可矣夫泉府之法斂市之不售貨之滯於

民用者以其賈買之其賒者祭祀喪祀皆有數而以國

服為之息若此者真周公之所為也何者當是時天下

號為齊民未有特富者也開闔斂散輕重之權一出於

臣英曰究周官
泉府之義字字
為新法鍼砭

上均之田而使之耕築之室而使之居衣食之具無不
畢舉然而祭祀喪祀猶有所未足而取於常數之外若
是者周公不予而誰予之將無以充其用而遂予之也
則民一切仰上而其費無名故賒而貸之使以日數償
而以其所服者為息且其市之不售貨之滯於民用者
民不足於此而上不斂之則為不仁然則二者之法非
周公誰為之蓋三代固行之矣今天下之民不齊久矣
開闢斂散輕重之權不一出於上而富人大賈分而有

之不知其幾千百年也而遽奪之可乎嫉其自利而欲
為國利可乎嗚呼居今之世周公固不行是法矣夫學
周公之法於數千載之後世異時殊不可行而行之者
固不足以理財也謂周公不為是法而以聖賢之道不
出於理財者是足為深知周公乎且使周公為之固不
以自利雖百取而不害而况盡與之乎然則奈何君子
避理財之名苟欲以不言利為義坐視小人為之亦以
為當然而無怪也徒使其後顰蹙而議之厲色而爭之

然則仁者固如是耶今天下之財亦可得而略計矣黃
帝堯舜以來財之在天下今其不知取者幾也秦漢之
後創取於民後世日以增益今其棄而不求者幾也天
下之遺利天下之所不知不得而用之者幾也抑猶有
上之所未斂者乎抑已盡斂而不可復加歟然則有民
而後有君有君而後有國有君有國而後有君與國之
用非民之不以與其上也而不足者何說今之理財者
自理之歟為天下理之歟人有十子闔其大門日取其

子而不計其後將以富其父歟抑愛其子者必使之與其父歟抑孝其親固將盡因其子歟抑其父固共其子之財歟然則今之開闔斂散輕重之權有餘不足之數可以一辭而決矣奈何以聚斂為理財而其上至於更小人君子以為不當理財而聽其絕而不繼若是者何以為君子哉

瑞安縣重修縣學記

昔劉君龜從宰瑞安頗修學前記云糜錙二百萬不薄

矣未久已浸敝頽障墮級棟扶梁柱岌岌搖動如坐漏舟中邑人以為大慚頃歲謀於余將自治之余曰止政在有司非鄉民所敢干也此豈佛老氏室廬耶又可醵而就之乎嘉定四年黃君葵初領縣貫無贏銖歎曰吾其舍旃士之職於學者鄭炎陳觀大趣贊曰願盡力費比昔十四而學復壯好如新成焉凡吏之品有三上以學為吏其次本於吏而學以飾之下者苟吏無飾也君始至即修學視一邑之政無先於學斯知以學為吏歟

臣杜訥曰先以
吏品論吏二段
頓挫嘉許迤進
規勉之辭義正
情深一洗學記
陳言祇饒珠光
玉氣輝耀簡牘

世之論吏亦有三上者學成而能教其次雖未能教而
以政養民下者無養豕飼獸擾之爾君知以學為吏固
不鄙慢其民教與養始勉而進歟世之論常曰吏必設
學而教且養人最急不知吏當先自教且養急顧有甚
於人者何也彼雖知以學為吏燭物之智淺察己之功
不深意則以教且養者厚民實則以教且養者病民矣
烏得勉而進哉故明恕而多通吏之所以自教節廉而
少欲吏之所以自養少欲則民有餘力多通則民有餘

情然後推其所以自養者亦養人廉推其所以自教者亦教人恕此忠信禮義之俗所由起而學之道所由明也余既嘉君能重學於先故樂為君繫其勉於學者於後

御選古文淵鑒卷六十二